

სსსპ სსრსსპსსსპ

სარაგაულის მუნიციპალიტეტის გაზეთი • 276 (3) 16 თებერვალი, 2015 წ

სიახლეები საგანმანათლებლო სისტემაში

11 თებერვალს დაბა ხარაგაულის საგანმანათლებლო რესურსცენტრში მუნიციპალიტეტის საჯარო სკოლების დირექტორებთან შეხვედრა გაიმართა. ცენტრის დირექტორმა, ბატონმა დავით კიკნაძემ, მათ საქართველოს განათლებისა და მეცნიერების სამინისტროში არსებული სიახლეები გააცნო.

2015 წლის ერთიან ეროვნულ გამოცდებზე აბიტურიენტების რეგისტრაციის რეგისტრაცია დაიწყო

„2015 წლის ერთიან ეროვნულ გამოცდებზე აბიტურიენტების რეგისტრაციის პროცესი 10 თებერვალს დაიწყო და 17 მარტს დასრულდება. წელს კონკურსში 64 უმაღლესი აკრედიტებული სასწავლებელი მონაწილეობს. ადგილების რაოდენობა უფრო მეტია, ვიდრე წინა წელს და ის 46 ათასს აღემატება.“

რეგისტრაციის პირველ ეტაპზე აბიტურიენტმა აუცილებლად უნდა აირჩიოს ჩასაბარებელი გამოცდების ჩამონათვალი, მიუთითოს ქალაქი და ენა, რომელზეც სურს გამოცდის ჩაბარება – ეს ინფორმაცია ვადის ამონურვის შემდეგ აღარ შეიცვლება!

როგორც გასულ, ასევე მიმდინარე წელს, აბიტურიენტებს საშუალება ექნებათ, რამდენიმე თვის განმავლობაში ცვალონ არჩეული საგანმანათლებლო პროგრამები (ფაკულტეტები), მათი რაოდენობა და თანმიმდევრობა. პროცესი სააპელაციო განაცხადების მიღების დასრულებასთან ერთად შეწყდება.

სახელმწიფო წელსაც დააფინანსებს ბაკალავრიატის გარკვეულ მიმართულებებს (შესაბამის პროგრამებზე ჩარიცხულები ისწავლიან უფასოდ).

ერთიანი ეროვნული გამოცდები, სავარაუდოდ, ივნისის ბოლო კვირაში დაიწყება.



წლევანდელი მთავარი საგამოცდო სიახლე არჩევით საგნად სამოქალაქო განათლების დამატებაა. ეს საგანი 1227 საკონკურსო ადგილზე გამოცხადდა“.

„მშობელთა ჩართულობა სასკოლო პროცესში“

საქართველოს განათლებისა და მეცნიერების სამინისტრო პროექტის, „მშობელთა ჩართულობა სასკოლო პროცესში“ განხორციელებას იწყებს. უკვე მომზადდა და მალე საჯარო სკოლებს გადაეცემათ მშობლებისთვის განკუთვნილი აქტივობების და სავარჯიშოების კრებული, რომელიც დაეხმარება მშობელს უფრო დაახლოვდეს ბავშვთან და ხელი შეუწყოს ბავშვის უნარების განვითარებას.

„მშობელთა ჩართულობა სასკოლო ცხოვრებაში განსაკუთრებული მნიშვნელობა აქვს“ - გვეუბნება ბატონი დავითი და აქვე დასძენს; „ჩემი აზრით, რაც მე-

ტადაა მშობელი ჩართული შვილის სწავლების და განათლების მიღების პროცესში, მით უფრო მაღალია მოსწავლის მიღწევის დონე. იზრდება სწავლის ხარისხი, ბავშვი უფრო მოტივირებულია და სკოლისადმი პოზიტიური დამოკიდებულება უყალიბდება.“

ბატონმა დავითმა პროექტის წარმატებით განხორციელებისთვის, მეტი აქტიურობისკენ მოუწოდა საჯარო სკოლების დირექტორებს და დაამატა, რომ ამით უფრო გაიზრდება სკოლის და მასწავლებლის ავტორიტეტი, ხოლო მშობელსა და სკოლას შორის, მნიშვნელოვანი კომპონენტი - კეთილგანწყობა დამყარდება.

საპარტოვლოს მასშტაბით ექსტერნატის ფორმით გამოცდების ჩაბარების მსურველთა რეგისტრაცია

ექსტერნატის ფორმით გამოცდების ჩაბარების მსურველთა რეგისტრაცია 10 თებერვლიდან დაიწყო და 17 თებერვლის ჩათვლით გაგრძელდება. გამოცდები კი 5 მარტიდან 20 მარტამდე ჩატარდება.

დაინტერესებული პირი უფლებამოსილია ექსტერნად რეგისტრაციის თაობაზე, განცხადება და შესაბამისი დოკუმენტაცია წარადგინოს საგანმანათლებლო რესურსცენტრში.

პირი, რომელიც ექსტერნატის ფორმით წარმატებით დაძღვეს ეროვნული სასწავლო გეგმით დადგენილ მიღწევის დონეს, სრული ზოგადი განათლების დამადასტურებელი დოკუმენტის მისაღებად, ვალდებულია წარმატებით ჩააბაროს გამოსაშვები გამოცდები.

პროგრამა პროფესიული განათლების მიღების

მსურველთათვის ისევ ძალაშია

მიმდინარე წლის 10 თებერვლიდან დაიწყო და 5 მარტამდე გაგრძელდება პროფესიული განათლების მიღების მსურველთა რეგისტრაცია. ყველა დაინტერესებულ პირს, ვისაც აქვს 9 კლასის დამადასტურებელი მოწმობა და სრული განათლების ატესტატი შეუძლიათ გაიარონ რეგისტრაცია და სახელმწიფოს დაფინანსებით დაეუფლონ მათთვის სასურველ პროფესიას. რეგისტრაციის გავლა შესაძლებელია სამინისტროს საგანმანათლებლო რესურსცენტრებსა და პროფესიული საგანმანათლებლო პროგრამების განმსახორციელებელ დაწესებულებებში.

რეგისტრაციის დასრულების შემდეგ, დარეგისტრირებულმა აპლიკანტმა საწყის საფეხურზე სწავლის დასაწყებად უნდა გაიაროს სამინისტროს შეფასებისა და გამოცდების ეროვნული ცენტრის მიერ ორგანიზებული პროფესიული ტესტირება. ტესტირების მიზანია დადგინდეს სწავლის მსურველთა პროფესიული უნარების შესაბამისობა მათ მიერ შერჩეულ პროფესიასთან.

„ის, რომ სახელმწიფო და განათლებისა და მეცნიერების სამინისტრო, უკვე ორი წელია აღნიშნული პროექტით ათასობით პირს განათლებისა და სწავლის დონის ამაღლების საშუალებას აძლევს, ფრიად სასიხარულო და მისასალმებელია - აღნიშნავს ბატონი დავითი. თუ ადამიანი გარკვეულ პროფესიას ფლობს და თავისი საქმის უბადლო მცოდნე და პროფესიონალია, მას აუცილებლად ექნება სამსახური“.

ვეთანხმები ბატონი დავითის სიტყვებს და ჩვენს ქვეყანას, მომავალში, აღნიშნული პროექტის ფარგლებში, დასაქმებულთა რიცხვის გაათმაგებას ვუსურვებ.

თეა ბერიძე

ბიუროს სტომაზე საბიუჯეტო ცვლილებები განიხილეს

11 თებერვალს ხარაგაულის მუნიციპალიტეტის საკრებულოს ბიუროს რიგგარეშე სხდომაზე დეპუტატებმა საბიუჯეტო ცვლილება განიხილეს. მოხსენებითი ბარათის თანახმად, საქართველოს მთავრობის 2015 წლის 3 თებერვლის N 121 განკარგულების საფუძველზე ცვლილება შევიდა საქართველოს მთავრობის 20 იანვრის N 39 განკარგულებაში და საქართველოს რეგიონებში განსახორციელებელი პროექტების ფონდიდან ხარაგაულის მუნიციპალიტეტს დამატებით 19,5 ათასი ლარი გამოეყო. აქედან 13,5 ათასი ლარი მიმართება დაბა ხარაგაულში არსებული ღია ესტრადის და ცენტრალური პარკის რეაბილიტაციის სამპროექტო დოკუმენტაციის და საექსპერტო მომსახურების შესასყიდად და 6,0 ათასი ლარი ბორითი-მარიამწყარო-ლორესის გზის რეაბილიტაციის სამპროექტო დოკუმენტაციისა და საექსპერტო მომსახურების შესასყიდად. გარდა ამისა, გასული 2014 წლის პროექტების დასასრულებლად საჭიროა 34,5 ათასი ლარი. მათ შორის მანქათუნის ხიდისთვის 8,1 ათასი ლარი, ზედიხის ნისქვილის დასრულება 9,6 ათასი



ლარი, ლელვინის ადმინისტრაციული შენობის რეაბილიტაცია 9,0 ათასი ლარი და კიცხის კლუბის რეაბილიტაცია 7,8 ათასი ლარი. საფინანსო-საბიუჯეტო სამსახურის უფროსის, ვლადიმერ გელაშვილის ინფორმაციით, მუნიციპალიტეტში არსებული საბიუჯეტო დაწესებულებებისა და სხვადასხვა ა(ა)იპ-ების მომართვების თანახმად საჭიროა დამატებით 322,0 ათასი ლარის სუბსიდიის გამოყოფა. აქედან გამომდინარე, შესაძლებელია დაფინანსება გაეზარდოს:

ა(ა)იპ ეთერ კიკნაძის სახელობის სკოლამდელ დაწესებულებათა გაერთიანებას - 114,0 ათასი ლარით;

- ა(ა)იპ „სათნოების სახლს“ - 6,0 ათასი ლარით;
- ა(ა)იპ ხალხური შემოქმედების სახლს - 10,0 ათასი ლარით;
- ა(ა)იპ ხარაგაულის მუნიციპალიტეტის განვითარებისა და შიდა ტურიზმის ხელშეწყობის ცენტრს - 3,0 ათასი ლარით;
- ა(ა)იპ რეზო თაბუკაშვილის სახელობის სახალხო ლიტერატურულ თეატრს - 3,0 ათასი ლარით;
- შპს „ხარაგაული 2011“-ს - 6,5 ათასი ლარით;
- საბიუჯეტო ცვლილება განხორციელდება რელიგიისა და ტელერადიომაუწყებლობის დაფინანსების კუთხითაც. კერძოდ, 30,0 ათასი ლარი მიმართება დაბის საკათედრო ტაძრის მშენებლობისათვის; 5,0 ათასი ლარი დაბაში არსებული სამლოცველოს დასახმარებლად; სხვადასხვა საინფორმაციო მომსახურების შესასყიდად კი 20,0 ათასი ლარი გათვალისწინებულია. დამატებით ხარჯებს საჭიროებს ასევე მუნიციპალიტეტის საკრებულო და გამგეობა. 11,0 ათასი ლარი ავტომობილების რემონტისათვისაა საჭირო, 1,5 ათასი ლარი ელექტროენერჯის მინორდების მოსაწესრიგებლად, ხოლო 11,0 ათასი ლარი ინტერ-

ნეტის პაკეტის გაუმჯობესებისთვის. მუნიციპალიტეტში სოფლის მეურნეობის შემდგომი აღმავლობისა და განვითარებისათვის, საქართველოს სოფლის მეურნეობის სამინისტროს საინფორმაციო-საკონსულტაციო სამსახურის მიერ მიერ წარდგენილი პროექტების ფარგლებში მუნიციპალიტეტს მიზანშეწონილად მიაჩნია ადგილობრივი ბიუჯეტიდან გამოეყოფოს 5,1 ათასი ლარი, მათ შორის 3,0 ათასი ლარი თხილისა და კაკლის სადემონსტრაციო ნაკვეთების მოწყობისათვის და 2,1 ათასი ლარი მემცენარეობის მიმართულებით ნიადაგის ანალიზის ჩატარების დაფინანსებისათვის. საბიუჯეტო ცვლილებების თემასთან დაკავშირებით გარკვეული შენიშვნები წარმოადგინა საფინანსო-საბიუჯეტო კომისიის თავმჯდომარემ ვარლამ ჭიპაშვილმა. მისი თქმით, საბიუჯეტო ცვლილებები მისაღებია, თუმცა უმჯობესია ინფრასტრუქტურული პროექტების დაფინანსება მისი პრიორიტეტულობის მიხედვით მოხდეს. „წყალაფორეთისა და ზვარის

ბიუროს სხდომაზე საბიუჯეტო ცვლილებები განიხილეს

▲ 133.

ტერიტორიულ ერთეულებში საბიუჯეტო ბალანსი გასახსნელი, ჩემი აზრით, უმჯობესი იყო ჯერ ამ საკითხის მოგვარებაზე გვეზრუნა და შემდეგ - მუზეუმის ან კლუბების გარემონტებაზე. როდესაც სოფელში პრობლემებიც დადგინდა, მივიჩნევთ ნისქვილის რეაბილიტაციას და ამ დროს, სოფელს წყალი არ მიეწოდება, ვფიქრობ, ეს მართებული არაა.


გლადიმერ გელაშვილის განმარტებით, „ამ ეტაპზე ხარაგაულის მუნიციპალიტეტის ბიუჯეტში რისი შეხედულებებიც იყო ისე გადანაწილდა თანხები. ტერიტორიულ ერთეულებში საბიუჯეტო ბალანსის გასახსნელად დაკავშირებით არანაირი პრობლემა არ არსებობს, არის დარჩენილი ტექნიკური სამუშაოები (ეზოს მოწყობა და ა.შ.), რომელთა დასრულების შემდეგ ბაღები აუცილებლად გაიხსნება. რაც შეეხება, სოფლებში - ნისქვილისა და კლუბების მოწყობისათვის გამოყოფილ დაფინანსებას, მოგეხსენებათ, რომ მათი მშენებლობა მიმდინარე წელს არ დაგვიწყია და აღნიშნული თანხა ადგილობრივი ბიუჯეტიდან მხოლოდ პროექტების დასრულებისათვის გამოიყო.“

ბიუროს სხდომაზე წარდგენილი საბიუჯეტო ცვლილების შესახებ დეპუტატები საკრებულოს რიგგარეშე სხდომაზე უახლოეს დღეებში იმსჯელებენ.

ქაპ შავიძე

იზა ვეფხვაძე საპატიო სიგელით „სახალხო სიყვარული საუკეთესო საუკეთესო შორის“ დაჯილდოვდა

11 თებერვალს საქართველოს მეცნიერებათა ეროვნული აკადემიის სააქტო დარბაზში რეზო თაბუკაშვილის სახელობის სახალხო ლიტერატურული თეატრის სექციის „მთების ძახილის“ პრემიერა გაიმართა. ღონისძიება



საკრებულოს განათლების, კულტურისა და ახალგაზრდულ საქმეთა კომისიის თავმჯდომარე მარინა ვეფხვაძე, მუნიციპალიტეტის სოფლებში საბიუჯეტო ბალანსი და ბიბლიოთეკები მოინახულა

12 თებერვალს ხარაგაულის მუნიციპალიტეტის საკრებულოს განათლების, კულტურისა და ახალგაზრდულ საქმეთა კომისიის თავმჯდომარე მარინა ვეფხვაძემ, მუნიციპალიტეტის სოფლებში საბიუჯეტო ბალანსი და ბიბლიოთეკები მოინახულა და იქ არსებულ მდგომარეობას გაეცნო. ბაღებში არსებული მდგომარეობა დამაკმაყოფილებელია. დამონტაჟებულია ცენტრალური გათბობა, არის ცხელი წყალი, სათანადო კვება და ყველა ძირითადი პირობა ბავშვებისათვის. დეპუტატი სკოლაში გაერთიანების დირექტორთან, ირმა სებისკვერასთან ერთად, გაესაუბრა ბაღის თანამშრომლებსა და ბავშვების მშობლებს.

სკოლაში დასრულებულია გაერთიანება 2014 წლის დასაწყისისათვის მუნიციპალიტეტში 9 საბავშვო ბაღს მოიცავდა, წლის ბოლოს მუნიციპალიტეტის გამგეობის მონდობითა და ხელშეწყობით მათ რიცხვს სამი ახალი საბავშვო ბავშვთა ლეღვანში, ვარძიასა და ვახანში.

საბავშვო ბაღები მალევე გაიხსნება ბოროტსა და წყალაფორეთში. ხოლო ეზოს კეთილმოწყობის შემდეგ ხიდარსა და ზვარეში.

შედარებით განსხვავებული მდგომარეობაა ბიბლიოთეკებში. საბიბლიოთეკო გაერთიანებაში ამჟამად ირიცხება ხარაგაულის ცენტრალური ბიბლიოთეკა, დაბის საბავშვო განყოფილება, პატარა ხარაგაულისა და 22 სასოფლო



განყოფილება (ორი მათგანი მარელისა და დაბისში წლის დასაწყისისათვის შეუერთდა საბიბლიოთეკო გაერთიანებას). საბიბლიოთეკო გაერთიანების დირექტორი ნიკოლოზ მაჭავარიანი უნიკალური წიგნადი ფონდის შესანარჩუნებლად სოკოვანი დაავადებით დაზიანებული წიგნების განცალკევებას ითხოვს. ეს საკითხი საკრებულოს განათლების, კულტურისა და ახალგაზრდულ საქმეთა კომისიის სხდომაზე ჯერ კიდევ გასულ წელს განიხილეს და დადებითად გადაწყდა.

აღსანიშნავია, რომ 2015 წელს, სოფლის ბიბლიოთეკების ვაუჩერიზაციის პროექტის ფარგლებში - „წიგნი ყველა სოფლის ბიბლიოთეკას“ - ხარაგაულის სოფლების ბიბ-

ლიოთეკებმა ათი ათასი ლარის წიგნები მიიღეს. პროექტი საქართველოს პრეზიდენტის ფონდის დაფინანსებითა და საქართველოს საბიბლიოთეკო ასოციაციის ორგანიზებით ხორციელდება. პროექტის ფარგლებში თითოეულმა ბიბლიოთეკამ 500 ლარის ვაუჩერი მიიღო. აღნიშნული ვაუჩერით შეძენილ იქნა 2020 ცალი წიგნი, რომელიც თითოეულ ბიბლიოთეკაში თანაბრად გადანაწილდა. პროექტში აქტიურად იყვნენ ჩართულნი სოფლის ბიბლიოთეკარები და, მათი სურვილისამებრ, წიგნადი ფონდი, ძირითადად, საბავშვო და მხატვრული ლიტერატურით შეივსო.

ქაპ შავიძე

სასოფლო-სამეურნეო ბარათების გაყვანა დაიწყო

სოფლის მეურნეობის სამინისტროს, ხარაგაულის საკონსულტაციო სამსახურში, სასოფლო-სამეურნეო ბარათების გაყვანა დაიწყო. ხარაგაულის 20 ადმინისტრაციული ერთეულის წარმომადგენელს, ბარათები, ბარათებისთვის განკუთვნილი ბეჭდები და საინფორმაციო ფლაერები გადაეცა. როგორც ცნობილია, ფერმერებს აღნიშნული ვაუჩერებით შეეძლება მიწის ნაკვეთების დახვნა. ხარაგაულის მუნიციპალიტეტის მასშტაბით სულ 8092 ბარათი დარიცხდა.

სოფლის მეურნეობის სამინისტროს დარგობრივი განვითარების ფონდის მთავარი სპეციალისტის ლორენცო ლემონჯავას თქმით, „სასოფლო-სამეურნეო ბარათები, გულისხმობს ფერმერთა დახმარებას 2015 წლის სავალდებულო სამუშაოებისთვის. ბარათების დარიცხვა პარალელურად მიმდინარეობს იმერეთის ყველა რეგიონში. ხარაგაულში რვა ათასზე მეტი ვაუჩერი ჩამოვიტანეთ. ამ ვაუჩერებით მოხდება ნიადაგის ზენა. მალე ჩამოვიტანთ აგრობარათებს, რომლებზეც და-

ირიცხება ქულები, რის შემდეგაც ბენეფიციარებს საშუალება ექნებათ შეიძინონ სასოფლო-სამეურნეო მასალები. გვეციცი ბეჭდები, რის მეშვეობითაც წარმომადგენლებს საშუალება ექნებათ ბენეფიციარებს დაუმონონ მათ საკუთრებაში არსებული ბარათები. თუ რომელიმე ბენეფიციარი გამორჩენილია აღნიშნულ პროგრამაში, სოფლის მეურნეობის სამინისტრო უახლოეს ხანებში ალადგენს მათ სივრცეში და ისინიც ჩვეულებრივ მიიღებენ სასოფლო-სამეურნეო ბარათებს.“

მცირემიწიან ფერმერთა კატეგორია, წინა წლის მსგავსად, წელსაც ორ ნაწილად იყოფა: ფერმერებს, რომელთა სარგებლობაში ან ფაქტობრივ მფლობელობაში გააჩნიათ 0,25 ჰა-მდე ჯამური ფართობის სასოფლო-სამეურნეო დანიშნულების მიწის ნაკვეთი, აგრო ბარათზე დაერიცხებათ ნაკვეთის შესაბამისი - 50 ქულა. ხოლო იმ ფერმერებს, რომელთა ფაქტობრივ საკუთრებაში ან სარგებლობაში გააჩნიათ 0,25ჰა-დან 1,25 ჰა-ს ჩათვლით ფართობის სასოფლო-სა-

მეურნეო დანიშნულების მიწის ნაკვეთები, რომელსაც იყენებენ ერთნაირი კულტურების მოსაყვანად - გადაეციებათ ნაკვეთის ფართობის პროპორციული ღირებულების სასოფლო-სამეურნეო(ზენის)ბარათი, 1ჰა-ზე 140 ლარის გადაანგარიშებით.

მოსარგებლებს, რომელთაც საკუთრებაში სარგებლობაში ან ფაქტობრივ მფლობელობაში გააჩნიათ 0,25-ჰა დან 1,25 ჰა-ს ჩათვლით ფართობის სასოფლო-სამეურნეო დანიშნულების მიწის ნაკვეთები, და მასზე გაშენებული აქვთ მრავალნაირი კულტურების ნარგავები, ასევე არ გააჩნიათ ერთნაირი კულტურების წარმოებისთვის განკუთვნილი მიწის ნაკვეთები, აგრო ბარათზე დაერიცხებათ ნაკვეთის ფართობის პროპორციული ქულების რაოდენობა 1 ჰა-ზე 140 ლარის გადაანგარიშებით. თუ კი ვერ ხერხდება ბარათის გამოყენება სხვადასხვა მიზეზის გამო, ბენეფიციარს უფლება აქვს ბარათი დააბრუნოს. დაბრუნების ბოლო ვადა 2015 წლის 15 ნოემბერია.

ქაპ შავიძე

კაპიონალური განვითარებისა და ინფრასტრუქტურის სამინისტროს დაფინანსებით ხარაგაულში მნიშვნელოვანი პროექტები განხორციელდება

საქართველოს რეგიონალური განვითარებისა და ინფრასტრუქტურის სამინისტრო, მიმდინარე წელს, მნიშვნელოვანი პროექტების განხორციელებას იწყებს.

ხარაგაულის მუნიციპალიტეტის ინფრასტრუქტურისა და კეთილმოწყობის სამსახურის უფროსის, მალხაზ ფხალაძის ინფორმაციით, რეგიონალური განვითარების სამინისტროს დაფინანსებით, ხარაგაულში მნიშვნელოვანი პროექტები განხორციელდება, რისთვისაც 2 700 000 ლარი დაიხარჯება.

მათ შორის: კიციხი-ხიდარის გზის რეაბილიტაცია - 800 000 ლარი;

ხარაგაული-ბაზალეთის გზის რეაბილიტაცია - 600 000 ლარი;

ზვარის ახალგაზრდული ბანაკის მოწყობა - 300 000 ლარი;

დაბა ხარაგაულში არსებული ღია ესტრადისა და ცენტრალური პარკის რეაბილიტაცია - 450 000 ლარი;

დაბა ხარაგაულში მშენებარე საავადმყოფოს და მისი მიმდებარე ქუჩების: დევიდარიანის, გურამიშვილის და ჭიპაშვილის წყალმომარაგების სისტემის რეაბილიტაცია - 200 000 ლარი;

დაბა ხარაგაულში მშენებარე საავადმყოფოს მიმდებარე ტერიტორიის ინფრასტრუქტურის მოწესრიგება - 50 000 ლარი;

ამაშუკეთი-მარიამწყარო-ლორეშის გზის რეაბილიტაცია - 200 000 ლარი;

დაბა ხარაგაულში ცენტრალური ბიბლიოთეკისთვის არსებული შენობის რეაბილიტაცია - 100 000 ლარი;

პროექტის ფარგლებში არსებული სამუშაოები უახლოეს მომავალში დაიწყება.

თაბა ბერიძე

ზვარის ახალგაზრდული ბანაკის მოწყობისთვის 300 ათასი ლარი დაინახდება

ხარაგაულის მუნიციპალიტეტის მიერ საქართველოს რეგიონული განვითარებისა და ინფრასტრუქტურის სამინისტროში წარდგენილი 2015 წლის პრიორიტეტულ პროექტთა ნუსხაში ერთ-ერთი მთავარი და ძირითადი პროექტი - ზვარის ახალგაზრდული ბანაკის მოწყობაა. პროექტი 300 000 ლარის ღირებულებაშია და რეგიონალური განვითარების ფონდიდან ფინანსდება. ამჟამად მიმდინარეობს ზვარის ბანაკის ტერიტორიის, მუნიციპალიტეტის კუთვნილებაში დარეგისტრირების, სამართლებრივი მხარის მოწესრიგება. ხარაგაულის მუნიციპალიტეტის გამგეებლმა კობა ლურსმანიშვილმა და ა(ა)იპ „ხარაგაულის მუნიციპალური განვითარებისა და შიდა ტურიზმის ხელშეწყობის ცენტრის“ დირექტორმა მამუკა ჭიპაშვილმა ზვარის ბანაკის ტერიტორია და ბანაკის დღემდე შემორჩენილი ინფრასტრუქტურა დათვალეს.

ზვარე - წლების წინ ბანაკებს შო-

რის ერთ-ერთი ყველაზე პოპულარული იყო, არაჩვეულებრივი დასასვენებელი ადგილი, ზღვის დონიდან 700 მეტრ სიმაღლეზე, საქართველოს და ყოფილი საბჭოთა კავშირის სხვადასხვა ქალაქებიდან ყოველწლიურად უამრავ ბავშვს ღებულობდა. „ოცნება“ ასე ერქვა ზვარის ბანაკს. მას ძველი დროიდან დღეს მხოლოდ სახელი შემორჩა.

2000 წლიდან მოყოლებული ზვარის ბანაკს ახალგაზრდული ჯგუფი კარგებით ყოველ ზაფხულს სტუმრობს.

მართალია, ეს ვიზიტი ხანმოკლეა და სულ რამდენიმე დღე გრძელდება, მაგრამ ბანაკს ესეც აცოცხლებს... ვიმედოვნებთ ბანაკის მუნიციპალიტეტის კუთვნილებაში დარეგისტრირების სამართლებრივი მხარე დროულად დასრულდება და დღეს უკვე კარგების ბანაკად ქცეული ბანაკი „ზვარე“ სიცოცხლეს სრულიად ახალი და საინტერესო ეტაპიდან გააგრძელებს.



აქ ყველადეხი სიყვარულით ჰეთდება...



როცა აღნიშნული სტატიის მომზადებას შევედექი, ერთი ჩემი ახლობელი გამახსენდა, რომელიც წლების მანძილზე ელოდა დედობას. როცა მკურნალობის თვალსაზრისით ყველა მცდელობა უშედეგო აღმოჩნდა ამ ბენდიერების მოსაპოვებლად, გადაწყვიტა, ისეთი ეშვილებინა, რომელიც განსაკუთრებულ მზრუნველობას საჭიროებდა. დიდი სიყვარულის, დიდი ძალისხმევის ფასად მან, უბრალოდ, კი არ გაზარდა, არამედ აღზარდა კეთილშობილ, საზოგადოებაში აქტიურად ჩართულ ერთ-ერთ განათლებულ ქალად. ასეთი რამ, ბუნებრივია, გვიკვირს, გვიკვირს იმიტომ, რომ სითბო-სიყვარულის ბალანსი კარგა ხანია, დარღვეულია საზოგადოებაში. არადა რა ამყად და თავმოწონედ ვიმეორებთ ცნობილ სიტყვებს ნოდარ დუმბაძის „მარადისობის კანონიდან“: „სანამ ცოცხლები ვართ, ერთმანეთს ხელი უნდა შევაშველოთ...“

ამ მზიანი სიტყვების ძალამ სიკეთის ქმედებით გამოწვეული ბენდიერების ძალამ, დამატევევა და მართლაც „გამოუცნობ ცეცხლის ალში გამხვია“, როცა რუსთაველი-2-ის ეთერში რამდენიმე დღის წინ გადაცემა „დილა მშვიდობისა, საქართველოს“ ვუყურე. ეკრანიდან მაღლიერების უკიდვანო გრძობით სულანთებულები გვესაუბრობდნენ: ნატო კალატოზიშვილი, თამარ ბუხრაშვილი, დათო კვიციანი, კობა კუნჭური...

ამ ახალგაზრდების - ჭეშმარიტი ღვთის შვილების - იმდენადი სიხარული უკავშირდება ტურისტულ კომპანია „პოზიტივ ტრეველს“, რომლის დამფუძნებელიც გახლავთ ილიას სახელმწიფო უნივერსიტეტის ბიზნეს სკოლის ტურიზმის სპეციალისტი სტუდენტი, ხარაგაულელ ახალგაზრდათა საძმოს, ერთ-ერთი „კაი ყმა“ 20 წლის გოგა შავიძე.

გოგას წინამძღოლიან: კომპანიის შექმნის იდეა უნივერსიტეტში სწავლის დანებებისთანავე გამიჩნდა. თეორიული ცოდნის მიღებასთან ერთად ჩემთვის უმნიშვნელოვანესია ჩემს სპეციალობაში პრაქტიკული გამოცდილების დაგროვება. ჯერჯერობით ჩემი სამუშაო გუნდი ხუთწევრიანია. პირველ ეტაპზე მხოლოდ შიდა ტურებით ვიფარგლებით. ტურიზმის სექტორში მსგავსი კომპანია ბევრია და, შესაბამისად, კონკურენციაც მაღალია. ამიტომ ბაზარზე შესაძლებლად კომპანია „პოზიტივ ტრეველი“ მომხმარებელს შედარებით დაბალ ფასებსა და მაღალ ხარისხს სთავაზობს. ვგეგმავთ ელიტურებს, რაც მოიაზრებს ტურებს ცნობად სახეობთან ერთად. ასევე უთავაზობთ, როგორც ინდივიდუალურ, ისე ინკლუზივ ტურისტ-პაკეტების ფართო არჩევანს.

გოგა შავიძე სიყვარულითა და პატივისცემით საუბრობს

თავის უსაყვარლეს ლექტორზე, ქალბატონ ქეთევან მაყაშვილზე. მე კი ამ გვარის სხენებამ იმ წუთებში კიდევ ერთხელ აღმიძრა პატივისცემის გრძობა აღნიშნული გვარის მიმართ.

ამ გვართან დაკავშირებით ყველა ჩვენგანს ახსენდება 1921 წლის 25 თებერვალი, ახსენდება თბილისი, კოჯორი და ტაბახმელა, ქართველი იუნკრები, ახსენდება მარიამ (მარო) მაყაშვილი, რომელმაც საკუთა-

შავდა მეორე პროექტი „ტემპუსის“ ფარგლებში. ძირითად ამოცანად დაისხა ასეთ პირთა არა მარტო სწავლება, არამედ ზრუნვა პროფესიული პროგრამით მათ რეალურ დასქმებაზე. სწორედ ამ მიზნით შეიქმნა საუნივერსიტეტო ბაზაზე ინკლუზიური და განსაკუთრებული საჭიროების მქონე პირთათვის დაცული დასაქმების ადგილი. შეიქმნა მეტად საინტერესო პროგრამა, რომელიც მიზანმი-



რი მკერდი შეაგება რუსეთის მეთერთმეტე არმიის ხიშტებს, ახსენდება ცნობილი პოეტის კოლაუ ნადირაძის სევდიანი სტრიქონები:

„თოვდა და თბილისს
ეზურა თალხი,
დუმდა სიონი და დუმდა
ხალხი...
ნითელი დროშით,
მოღერილ ყელით,
თეთრ ცხენზე მჯდომი,
ნაბიჯით ნელით,
შემოდოდა სიკვდილი
ცელით“.

დაიხ, დღეს ამ სახელოვანი გვარის უამრავ ღირსეულ მამულშიშვილთა შორის ტრადიციას ჰუმანური და პატრიოტული სულისკვეთებით, რუდუნებით აგრძელებს ილიას უნივერსიტეტის სრული პროფესორი, ფსიქოლოგი, ქალბატონი ქეთევან მაყაშვილი, რომელიც ხელმძღვანელობს განსაკუთრებული საჭიროების მქონე პირთა განათლების, კონსულტირებისა და რეაბილიტაციის ცენტრს.

ჩვენ დავუკავშირდით ქალბატონ ქეთევანს და ვთხოვეთ, გაეცნო აღნიშნული ცენტრის საქმიანობა, სამომავლო გზა და ორიოდ სიტყვით დაეხასიათებინა თავისი სტუდენტი გოგა შავიძე.

(აქვე მინდა ვაცნობო მკითხველს და პატივს ვთხოვო ქალბატონ ქეთევანს, რომ საგაზეთო მასალით ამჯერად ვერ შევძლებ აღნიშნული ცენტრის ამოცანებისა და სამომავლო პერიპეტეების სრულყოფილად წარმოჩენას. მაგრამ გარკვეულ წარმოდგენას შეგიქმნით, თუ რა არის ადამიანთა უსაზღვრო სიყვარულით მოსილი ცენტრისა და მისი ხელმძღვანელის უმთავრესი ორიენტირი.


როგორც ქალბატონმა ქეთევანმა აღნიშნა, ცენტრი 2001 წელს გაიხსნა სულხან-საბას უნივერსიტეტში ამერიკის მთავრობის ხელშეწყობით და მიზნად ისახავს განსაკუთრებული საჭიროების მქონე პირთა საზოგადოებაში ჩართვას, მათ ნახალისებას. 2005-2006 წლებში, როცა ყოფილი სულხან-საბას უნივერსიტეტი ილია ჭავჭავაძის სახელობის უნივერსიტეტს შეუერთდა, ამუ-



პროფესორი
თამარ მაყაშვილი

ნატო კალატოზიშვილი: ვაკეთებ ქსეროქსს, მერე - ლამინირებას, ბოლოს-აკინძვას. აკინძვამი ძალიან მეხმარება თამუნა...

თამარ ბუხრაშვილი: ძალიან მიხარია, რომ ვმუშაობ. ზოგჯერ სევდიანად ვფიქრობ - წინ ნავალ თუ არა, მაგრამ სევდას აქარწყლებს იმედი, რომ აუცილებლად წავალთ წინ...
კლუბის ბენეფიციარები საკუთარ ძალებს არ იშურებენ, იმედიტ შეჰყურებენ მომავალს და სწამთ, რომ მალე დამოუკიდებლად შეძლებენ მუშაობას.



მომავალი

მართლაც ახორციელებს უმთავრეს მისიას - გაულამაზდეთ ცხოვრება მათ, რომლებიც განსაკუთრებულ მზრუნველობასა და დახმარებას საჭიროებენ თავიანთ უნარ-შესაძლებლობათა გამოსავლენად. განა რა უნდა იყოს იმაზე დიდი ბენდიერება, რომ აჩუქო ასეთ ადამიანს სიხარული, განაცხოვრო იმედიანი რწმენით, რომ შესაფერი აქტიური ყოფით განვლოს ღვთისგან მოძებნილი სიცოცხლე, დაარწმუნო, რომ მასშიც არის ისეთი ძალა, რომლითაც თვითონაც შეუძლია სხვისი დახმარება...

სამომავლოდ, აუტიზმის მქონე ბავშვებიც გვინდა ჩავართოთ დასქმების პროგრამაში, მაგრამ რადგან ესეინ განსაკუთრებულ მიდგომას საჭიროებენ და ხალხმრავალ ადგილებში ვერ იმუშავენ, ამიტომ ჩვენ გამოვყავით დარგი - მებალეობა, სადაც უფრო წყნარი სამუშაოა და ურთიერთობისთვის უფრო ხელსაყრელი პირობები.

ნატო კალატოზიშვილი, თამარ ბუხრაშვილი, დათო კვიციანი, კობა კუნჭური ინკლუზიური განათლების პროფესიული კლუბის წევრები არიან. თამარი და დათო სტუდენტებს საჭირო დოკუმენტების მომზადებაში ეხმარებიან. თამარი კომპიუტერულ პროგრამებს დაეუფლა და პრინტერთან მუშაობასაც მარტივად ახერხებს, დათომ კი ქსეროქსის საქმე შეითავსა.

ანანურისა და გუდაურის მშენიერებას ეზიარენ...

ძვირფასო მკითხველო! ძნელია აღვწერო ის განცდა, რომელიც იმ წუთებში მეუფლებოდა, როცა ეს სწავლული ქალბატონი გოგას ახასიათებდა. წამიერად დავეშორდი რეალობას და წლების მიღმა გადავინაცვლე... ცოდნის წყურვილით გულანთებული ხარაგაულის მესამე საჯარო სკოლის ის გოგო-ბიჭები წარმოვიდგინე, რომელთა დამრიგებელიც საკმაოდ გრძელ გზაზე, V დან - XII კლასის განსაკუთრებულად ვცხოვრობ დღესაც... მახარებს ყოველი მათგანის წინსვლა-წარმატება.

სულაც არ მიკვირს, რომ გოგა ასე დახასიათდა. ის ხომ ტრადიციული ქართული ოჯახის შვილია. ან განსვენებულ გოგი შავიძისა და ქალბატონ ლამარა შარიქაძის ტკბილ კერაზე მუდამ შრომისმოყვარეობა და სინდის-პატიოსნება იყო ადამიანებთან ურთიერთობის საზომი. ამ გზას სახელოვნად აგრძელებენ ოჯახის მესაჩქები: მელვი-ტექნოლოგი გელა შავიძე და მისი მეუღლე, ფიზიკის პედაგოგი, მზია კვინიკაძე. ხარაგაულში ყველა სიამოვნებით მიგიითითებთ ამ ოჯახისკენ, სადაც სამი საუკეთესო ახალგაზრდა: ლანა, ანა და გოგა შავიძეები - იწრობიან და ფრთხილდებიან...

გოგა შავიძე: - მუდამ ვსაზრდობ ილიასეული სიბრძნით „მოძრობა და მარტო მოძრობა არის... ქვეყნის ღონისა სიცოცხლის მიმცემი“. ქვეყანას რომ ვარგოთ, მარტო ვერას გავხდებით. უფროსთა რჩევა და მეგობართა თანადგომა გვჭირდება. ბენდიერი ვარ, რომ, როგორც სტუდენტს, გზას მინათებენ უჩვეულო სითბო-სიყვარულის გრძობის მატარებელი ლექტორ-მასწავლებლები. ვთვლი, რომ ჩემი ყოველი წარმატება მათ უკავშირდება. ასევე დიდი ძალა ჩემი სამეგობრო. რომ არა შოთიკო ლომიძე, გიორგი მაქაძე, გიორგი ოქრომჭედლიძე, გიორგი ლაცაბიძე, წარმატებისაკენ მიმავალ გზაზე მინიმალურ ზღვარსაკვრ ვეღვაძე ვიხსენებ. ჩემი მომავალი წარმატებების გარანტიც კვლავ ეს ადამიანები იქნებიან...

გასაკვირსა და გასაოცარს ვერაფერს დაგვირდებოდა, მაგრამ იმაზე კი მუდამ ვიზრუნებ, რომ მეტი სიხარული გავცე. განსაკუთრებული არც იმ დღეს არაფერი ყოფილა, როცა ჩემს მეგობრებთან ერთად გადავწყვიტე, ერთი ლამაზი დღე გვეჩუქებინა მათთვის, რომლებიც ჩვენგან დიდ სითბოსა და ზრუნვას მოელიან. არასდროს დამავიწყდება ინკლუზიური განათლების პროფესიული კლუბის წევრის, დათო კვიციანი-ლიძის მიერ ექსკურსიის დროს გუდაურში წარმოთქმული სიტყვები:

- „ბენდიერი ვარ, რომ ამ ოჯახის წევრი ვარ, ყველა ერთმანეთზე ვზრუნავთ და აქ ყველაფერი სიყვარულით კეთდება...“

ჩვენი გოგა! რადგან სიყვარულია ყოველი კეთილი საქმის საძირკველი, გვწამს, შენთვის ღვთისგან მომადლებული ამ ნიჭის წყალობით უშურველად მიანიჭებ სითბოს ადამიანებს და გააღამაზებ მათ სულიერ სამყაროს!

მერი ბიორბიძე

„ნარსულის ქრონიკები“



6 თებერვალს ხარაგაულის საბავშვო ბიბლიოთეკაში პროექტ „ნარსულის ქრონიკების“ ფარგლებში, დავით IV აღმაშენებლის ხსენების დღისადმი მიძღვნილი ღონისძიება მოეწყო. ღონისძიებაში, დაბის მოსწავლეებთან და მოსწავლე-ახალგაზრდობის სახლთან არსებულ ბავშვთა მგალობელ გუნდ „ნუნისთან“ ერთად, მარეღისის საჯარო სკოლის მოსწავლეები მონაწილეობდნენ.

დავით აღმაშენებელი ბაგრატიონთა დინასტიის ერთ-ერთი ყველაზე წარმატებული ქართველი მონარქი იყო. იგი 1089 – 1125 წლებში მეფობდა. დავით მეფემ, 1121 წელს, დიდგორის ბრძოლაში მნიშვნელოვანი გამარჯვებით მოახერხა თურქ-სელჩუკთა ქვეყნიდან განდევნა. არმაში და მმართველობის სისტემაში გატარებულმა რეფორმებმა შესაძლებლობა მისცა ქვეყანა გაეერთიანებინა და მთელი კავკასიის მიწები საქართველოს დაქვემდებარებაში მოექცია. მეფე თავდადებული ქრისტიანი იყო, რის გამოც საქართველოს მართლმადიდებელმა ეკლესიამ იგი წმინდანად შერაცხა.

ბავშვებმა დიდი სიყვარულითა და მოწინებით მიმოიხილეს დავით IV მეფის ცხოვრება და მოღვაწეობა. მსმენელს კიდევ ერთხელ შეახსენეს მის მიერ სამშობლოსთვის განეული დიდი ღვაწლი. ღონისძიების დასასრულს ნაჩვენები იქნა, დოკუმენტური ფილმი „დავით აღმაშენებელი“.

ამ უმშვენიერეს წუთებში ცხადად გამოვლინდა, თუ რა დიდი შრომა გაუწევია მარეღისის საჯარო სკოლის ისტორიის პედაგოგ, მაია ვეფხვაძეს, რომლის მოსწავლეებსაც სრულყოფილად შქონდათ გაცნობიერებული დავით აღმაშენებლის ღვაწლი, იმ

როცა გერმანიის იმპერატორები ძლივს ითვისებდნენ წერა-კითხვას.

ცნობილია, კარლოს დიდმა მიხრწნილობისას ძლივს ისწავლა თურმე ხელის მოწერა, ხოლო სელჩუკიანთა დიდი სულთნები: თორღულ-ბეგი, ალფ-არსლანი და მალიქ-შა სავსებით უნიგუნური იყვნენ“.

დაბა ხარაგაულის საგანმანათლებლო რესურსცენტრის უფროსმა, დავით კიკნაძემ, სათანადოდ

შეაფასა აღნიშნული ღონისძიება. მაღლობა გადაუხადა მარეღისის საჯარო სკოლის ისტორიის მასწავლებელს, მოსწავლეებს, საბავშვო ბიბლიოთეკას, მგალობელთა გუნდის თითოეულ წევრს, რომელთა ძალეობითაც ასეთი საინტერესო ღონისძიება მოეწყო და ერთხელ კიდევ გაუსვა ხაზი იმ დიდ საქმეს, რომლებიც დავით აღმაშენებლის სახელს უკავშირდება.

თამარ მაღრაძე

ინგლისურის სასწავლო ცენტრი საჩაბაულში

15 თებერვალს დაბა ხარაგაულში, ბრიტანული საბჭოს ბაზაზე, ინგლისურის სასწავლო ცენტრი გაიხსნა. ცენტრში სწავლების უფლება აქვს ყველას ასაკის მიუხედავად. მსურველებს ჩაუტარდება ტესტირება, შემომდგება მათი ცოდნის დონე და ამის მიხედვით დაკომპლექტდება ჯგუფები. გაკვეთილები კვირაში 3 დღე ჩატარდება და სწავლის ღირებულება თვეში - 50 ლარი იქნება.

ცენტრში არის სასაბავშვო საჩუქარი - მოსწავლეებს ინგლისურ ენასთან ერთად საშუალება ექნებათ შეისწავლონ ფრანგული ენაც (კვირაში ერთი მეცადინეობა).

სრული კურსის დასრულების შემდგომ გაიცემა სერტიფიკატი, ცენტრი დაკომპლექტებულია კვალიფიციური და სერტიფიცირებული პედაგოგებით და ის უკვე ელოდება მსურველებს. მისამართი: დაბა ხარაგაული, სოლომონ მეფის ქ. N17.

„ჯანსაღი ცხოვრება ჯანმრთელობის სანიღარია“



„ჯანსაღი ცხოვრება ჯანმრთელობის სანიღარია“ - ასე ერქვა პროექტს, რომლის ფარგლებშიც ბორის სკოლა პანსიონის მოსწავლეებმა, ბორიდან დაბა ხარაგაულის ცენტრამდე 12 კილომეტრიანი მონაკვეთი ველოსიპედებით გაიარეს. უსაფრთხოების დაცვის მიზნით მათ მეთვალყურეობას, ხარაგაულის რაიონული სამმართველოს პოლიციის თანამშრომლები უწევდნენ. პროექტის ორგანიზატორები იყვნენ, ამავე სკოლაში არსებული სმარტ-კლუბი და სამოქალაქო აღზრდის პედაგოგი მაია ბარბაქაძე. რბოლის დასრულების შემდეგ, ხარაგაულის საგანმანათლებლო რესურსცენტრში, პროექტის მონაწილეებთან და პედაგოგებთან შეხვედრა გაიმართა. შეხვედრას ხარაგაულის საგანმანათლებლო რესურსცენტრის ხელმძღვანელი დავით კიკნაძე, საკრებულოს საფინანსო - საბიუჯეტო კომისიის თავმჯდომარე ვარლამ ჭიპაშვილი, გამგებლის მრჩეველი გენდერულ საკითხებში ინგა ბერაძე და საგანმანათლებლო რესურსცენტრის თანამშრომლები: თინათინ ბოჭორიშვილი და აკაკი ლურსმანაშვილი ესწრებოდნენ.

შეხვედრაზე პროექტის მონაწილეებმა ჯანსაღი ცხოვრების წესსზე ისაუბრეს. გამგებლის მრჩეველმა გენდერული თანასწორობის საკითხებში, ინგა ბერაძემ, ყურადღება გაამახვილა სპორტის ამ სახეობაში გოგონების ჩართულობასთან დაკავშირებით და აღნიშნა, რომ გოგონებს და ბიჭებს თანაბარი შესაძლებლობები უნდა მიეცეთ, რათა მათთვის სასურველი სპორტით დაკავდნენ.

პროექტის ავტორმა, მაია ბარბაქაძემ განმარტა, რომ „სამოქალაქო აღზრდის მეთავე კლასის სასკოლო სახელმძღვანელოში იყო პროექტი - „ჯანსაღი ცხოვრება ჯანმრთელობის სანიღარია“, რომელმაც ბავშვების მონაწილეობა დაიმსახურა. მათ მთხოვეს ამ პროექტის განხორციელებაში დახმარება. რა თქმა უნდა, ბავშვების იდეას გამოვეხმაურე და მოვახდინე სკოლის დირექტორის, ბატონი ჰამლეტ ბერაძის ინფორმირება. ბატონმა ჰამლეტმა და ჩვენს სკოლაში არსებულმა სმარტ - კლუბმა, პროექტის განხორციელებაში მხარი დაგვიჭირეს.“

საგანმანათლებლო რესურსცენტრის ხელმძღვანელმა, დავით კიკნაძემ ახალბედა ველომობილერებს წარმატებები უსურვა და აღნიშნა: „მოხარული ვარ, რომ მომავალი თაობა დაკავებულია სპორტით. კარგი იქნება, თუ თქვენი თანატოლები მონაწილეობას მიიღებენ მსგავს ღონისძიებებში და უფროსი თაობაც გამოიჩინოს ინტერესს ველომობილის მიმართ. აღსანიშნავია, ველოსიპედი, ყველაზე ეკოლოგიური და უსაფრთხო ტრანსპორტია.“

თამარ მაღრაძე

9 თებერვალს ხარაგაულის ეთერ კიკნაძის სახელობის N1 სკოლამდელ გაერთიანებათა დანესებულების თანამშრომლებს, ოთხ დღიანი ტრენინგი ჩაუტარდათ - სახელწოდებით "საბავშვო ბაღის სტრატეგიები და პროგრამა". თემა შეეხებოდა მეთოდოლოგიის, ფსიქოლოგიურ და ინკლუზიური სწავლების კურსს. ტრენინგი ხარაგაულის სკოლამდელ გაერთიანებათა დანესებულების ადმინისტრაციის ინიციატივით, თბილისის სკოლამდელი აღზრდის დანესებულების მუშაკთა გადამზადების, სემინარისა და ტრენინგის ცენტრმა ჩაატარა.

სკოლამდელ დანესებულებათა გაერთიანების დირექტორის, ირმა სებისკვერადის განცხადებით - „ტრენინგს ხელმძღვანელობდა თბილისის სკოლამდელი აღზრდის დანესებულების მუშაკთა გადამზადების, სემინარისა და ტრენინგის ცენტრის დირექტორი თეონა ქემაშვილი. ტრენინგი ძირითადად გათვალისწინებულია ახლადგახსნილი სკოლამდელი დანესებულების თანამშრომლებისთვის. მსგავსი ტიპის აქტივობები ხელს შეუწყობს საბავშვო ბაღის აღმზრდელთა პროფესულ ზრდას, მათ მეთოდოლოგიას და აღსაზრდელებთან ურთიერთობის კულტურას. საბავშვო ბაღის დანიშნულება აღსაზრდელების სკოლისთვის სრულყოფილად მომზადებაა. მსმენელთა რაოდენობა 65- პიროვნებისგან შედგებოდა. მათგან 16-მა გაიარა კვების პროგრამა, დანარჩენებმა სასწავლო-სააღმზრდელი პროგრამა. ბაღების გამგებებმა დამატებით გაიარეს მართვის კურსი.“

სკოლამდელ გაერთიანებათა დანესებულების თანამშრომლებს ტრენინგები ჩაუტარდათ

„მსმენელთა კონტიგენტი გამორჩეულია კრეატიულობითა და მონდომებით - ამბობს ტრენინგის ცენტრის დირექტორი თეონა ქემაშვილი. დარწმუნებული ვარ, ტრენინგებიდან მიღებულ გამოცდილებას პედაგოგები პრაქტიკაში წარმატებით განახორციელებენ.“

ტრენინგის დასრულების შემდეგ, მსმენელებს ჩაუტარდება ტესტირება და გადაეცემათ სერტიფიკატები.

თამარ მაღრაძე



რედაქციაში შემოსული მასალები არ რეცენზირდება და ავტორებს უკან არ უბრუნდება. გაზეთში დაბეჭდილი მასალებისა და სურათების მთლიანი ან ნაწილობრივი გამოყენება შესაძლებელია მხოლოდ რედაქციის თანხმობით. გამოქვეყნებული მასალების სიზუსტეზე პასუხს აკისრებს ავტორი. გამოთქმული მოსაზრებები შესაძლოა არ ემთხვეოდეს რედაქციის თვალსაზრისს.

<p>გამომცემელი ხარაგაულის მუნიციპალიტეტის გაზეთი ა(ა)იპ „ახალი ხარაგაული“. მის: ხარაგაული, 9 აპრილის ქ. №15, ტელ: 22 10 25;</p>	<p>რედაქტორი: ეკა შანიძე ტელ.: 598 90 00 81 სარედაქციო კოლაჟი: თეა ბერიძე თამარ მაღრაძე</p>	<p>რედაქციაში შემოსული მასალები არ რეცენზირდება და ავტორებს უკან არ უბრუნდება. გაზეთში დაბეჭდილი მასალებისა და სურათების მთლიანი ან ნაწილობრივი გამოყენება შესაძლებელია მხოლოდ რედაქციის თანხმობით. გამოქვეყნებული მასალების სიზუსტეზე პასუხს აკისრებს ავტორი. გამოთქმული მოსაზრებები შესაძლოა არ ემთხვეოდეს რედაქციის თვალსაზრისს.</p>
--	---	---